

ცაგერის მუნიციპალიტეტის მერის სამოქალაქო მრჩეველთა საბჭოს

ოქმი N 2

ქ.ცაგერი

28 მაისი 2020 წელი

მერიის სხდომათა დარბაზი

სხდომას ესწრებოდნენ საბჭოს წევრები: დ.კოპალიანი, მ.ახვლედიანი, მ.ხუბუკელაშვილი,  
ც.მანდარია, თ.ბურჯალიანი, ა.ფუტყარაძე, თ.კოპალიანი, ი.თავაძე,  
თ.კოპალიანი

არ ესწრებოდა ე.ბენდელიანი

საბჭოს მუშაობას ხელმძღვანელობდა საბჭოს თავმჯდომარე დ.კოპალიანი  
საბჭოს მუშაობაში მონაწილეობდნენ ა.უგრეხელიძე - მუნიციპალიტეტის მერი

ზ.ხეცურიანი - ადმინისტრაციული სამსახურის უფროსი

Covid-19-ით გამოწვეული მდგომარეობიდან გამომდინარე სხდომა გაიმართა სოციალური  
დისტანციის დაცვით.

ვინაიდან ქვორუმი დამაკმაყოფილებელია სხდომა გახსნილად ცხადდება.

დღის წესრიგი

1. ცაგერის მუნიციპალიტეტის მერის მრჩეველთა საბჭოს დებულებაში ცვლილებების შეტანის  
შესახებ.

მომხს: დ.კოპალიანი

საბჭოს სხდომამ მისცა რეკომენდაცია მერს ადმინისტრაციული აქტით მოახდინოს დებულებაში  
ცვლილების მოხდენა წარმოდგენილი რედაქციით (თან ერთვის).

2. ქ.ცაგერში არსებული სკვერების და ბაღების მოვლის შესახებ.

დ.კოპალიანი

სხდომაზე აღინიშნა, რომ უკანასკნელ წელს მნიშვნელოვანი ღონისძიებები განხორციელდა  
ქ. ცაგერსა და მის მიმდებარე ტერიტორიაზე არსებული სკვერების, ბაღებისა და ისტორიული  
ძეგლების კეთილმოწყობის მიზნით. განსაკუთრებით აღსანიშნავია კეჭნარის ახალი სკვერის  
და აღმშენებლის ქუჩაზე ახალი სკვერის მოწყობის სამუშაოების განხორციელება არ შეიძლება არ  
აღინიშნოს მურის ისტორიულ ციხესთან მისასვლელი საფეხმავლო ბილიკების მოწყობა, რამაც  
ტურისტების დაინტერესება გამოიწვია. ახლა მთავარია მოვუაროთ ასეთი ობიექტებს.

ამ საქმეში კი მთლად წარმატებულად ვერ გამოვიყურებით. უნდა აღინიშნოს, რომ ხშირ  
შემთხვევაში ხარვეზებია სკვერების დასუფთავების საქმეში. ასეთი ობიექტების ახლომდებარე არ  
არის სანიტარული კვანძები, რაც გარკვეულ უხერხულობას ქმნის. კიდევ უფრო მეტი ზოგ  
შემთხვევაში ადგილი ჰქონდა არსებული ინვენტარის, ტექნიკის დაზიანების ფაქტებს. ეტყობა  
მერია შესაბამის ღონისძიებებს ვერ ახორციელებს.

აზრი გამოთქვას: თ.კოპალიანმა, მ.ხუბუკელაშვილმა, მ.ახვლედიანმა,

ზ.ხეცურიანმა, ა.უგრეხელიძემ

საბჭოს სხდომამ შეიმუშავა რეკომენდაციები:

ა) საჭიროა ა(ა)იპ „კომუნალურ მომსახურებას“ მიეცეს დავალება, რომ ქალაქში არსებული და მიმდებარე სკვერების, ბაღების და სხვა მასობრივი თავშეყრის ადგილებზე დაამყაროს განსაკუთრებული კონტროლი, მოახდინოს მისი ყოველდღიური დასუფთავება, გამოყოს ამ საქმიანობისათვის კონკრეტული პირები.

ბ) მუნიციპალიტეტის მერიამ განახორციელოს ღონისძიებები ქალაქში რამდენიმე სანიტარული კვანძის (ტუალეტი) მოწყობისა და არსებულის შეკეთების მიზნით.

გ) განსაკუთრებულ კონტროლზე იქნეს აყვანილი სკვერებში არსებული ინვენტარისა და სხვა ტექნიკური მოწყობილობების დაცვის მდგომარეობა. დაზიანების შემთხვევაში უზრუნველყოფილი იქნეს შესაბამისი სამართალდამცავი ორგანოების ჩართვა.

დ) მოწონებული იქნეს მერიის მზადყოფნა იმასთან დაკავშირებით, რომ ასეთი სკვერების მოწყობა გაგრძელდება სოფლის ცენტრებსა და დასახლებულ პუნქტებში.

საბჭოს თავმჯდომარე  
საბჭოს მდივანი

*მ. კოპალიანი*  
*ი. თავაძე*

დ.კოპალიანი  
ი.თავაძე